



*Sensaziun ai campionac taliagn de lüsa alta, Diego Tschaffert da La Val é le plö asvelt y fej süa la medaia d'or.*

Lijun – I campionac taliagn é uramai n apuntamënt tradizional dl sport dla lüsa alta. In chësc ultim fin dl'edema s'á presenté i atlec ia en Lijun sön la pista “Petschied”, preparada cun atenziun por l'ocajun. I ladins se mostra stersc portan a ciasa de bí resultac, mo la sensaziun dl fin dl'edema é dessigü le prüm post dl'atlet da La Val Diego Tschaffert, che s'á presenté al start do na lungia palsa y á mostré düta süa bravüra. Al mostra sö le miú tēmp dla sabeda (1.07,22) y le terzo miú dla domēnia (1.06'03) restan insciö a ciaval tla tlassifica por soma de tēmps di dui dis.

Na bela sodesfaziun pó se tó l'atleta da Lungiarü Nagler Luisa, ruvan a pié do la medaia de arjënt tla categoria juniores (2'22.45). Tla medema posiziun se concuistēia ince Shamira

Brunner da La Val tla categoria senior cun le tēmp de 2'17.32. Cun le tēmp de 2'18.11 se archita Ploner Alex al bun 5. post tla categoria Juniores.

Stersc ince i mituns che pó mostré sō chisc plazamenc: aliefs (mitans) – 5. Peccei Lara, 6. Miribung Elena, 7. Campeï Miriam – aliefs (mituns) – 3. Moling Matthias, 4. Brunner Philipp, 7. Alton Elias. 9. Ties Michael – ragazzi (mituns) – 4. Campeï Fabian, 7. Frenes Max, 8. Crepaz Davide.

I medemi mituns sará impegnà in chesc fin dl'edema a Latsch por la finala dles gares joniles Raiffeisen, deperpo che i atri atlec palsa por la finala de Copa de Südtirol, che gnarà tignida ai prüms de merz sōn la pista Do Juvel a Lungiarü.